

JAVNI POZIV ZA OBUKU I RAZVOJ POSLOVNIH IDEJA U OKVIRU PROGRAMA „MLADI U BIZNISU" TUZLANSKOG KANTONA

Uvodne informacije

Investicijska fondacija Impakt od 2019. godine djeluje na razvoju preduzetništva i jačanju lokalnih ekonomija u Bosni i Hercegovini, kroz razvoj i implementaciju sveobuhvatnih programa podrške za pokretanje, razvoj i unapređenje mikro i malih biznisa. U saradnji sa lokalnim zajednicama, kantonalnim institucijama, javnim službama za zapošljavanje, međunarodnim organizacijama i drugim partnerima, Impakt je svoje programe do sada realizirao u 60 lokalnih zajednica širom Bosne i Hercegovine.

Kroz IMPAKT Inkubator poslovnih ideja, IMPAKT Akcelerator i druge programe podrške preduzetništvu, podržano je više od 700 poslovnih poduhvata, kroz koje je kreirano više od 1000 radnih mjesta, dok dugoročna održivost biznisa koji su prošli kroz Impaktove programe iznosi preko 90%.

Impaktov model podrške kombinuje razvoj preduzetničkih znanja i vještina, individualno mentorstvo i stručnu podršku, razvoj poslovnih modela i planova, finansijsku podršku, povezivanje sa tržištem i investitorima, kao i kontinuiranu podršku biznisima u njihovom daljem rastu. Poseban fokus stavljen je na mlade, žene, start-up i mikro biznise, kao i na razvoj preduzetničkog ekosistema i kapaciteta lokalnih zajednica za pružanje dugoročne i održive podrške preduzetništvu.

O programu

U 2026. godini, program „Mladi u biznisu" realizuje se u Tuzlanskom kantonu u saradnji sa Investicijskom Fondacijom Impakt, Mikrokreditnom fondacijom MI-BOSPO i Evropskom bankom za obnovu i razvoj (EBRD).

Program je usmjeren na razvoj poduzetništva među mladima kroz poduzetničku obuku, mentorsku podršku i finansijsku podršku za realizaciju poslovnih ideja i razvoj postojećih poslovnih poduhvata.

EBRD je pokrenuo program "Mladi u biznisu" u saradnji sa MI-BOSPO-om u Bosni i Hercegovini 2022. godine. Program je trenutno aktivan u Egiptu, Maroku, Jermeniji, Gruziji, Zapadnom Balkanu i Centralnoj Aziji. Program nudi posvećenu podršku razvoju mladih preduzetnika kroz omogućavanje pristupa finansijskim i savjetodavnim resursima koji pomažu mladim preduzetnicima da ostvare svoje poslovne ambicije i daju doprinos ekonomskom razvoju zajednice.

Finansijsku podršku programu "Mladi u biznisu" u vidu sredstava za tehničku saradnju pružaju Evropska unija, Luksemburg i Italija preko Centralnoevropske inicijative.

Program je usmjeren na razvoj poduzetništva među mladima kroz poduzetničku obuku, mentorsku podršku i finansijsku podršku za realizaciju poslovnih ideja i razvoj postojećih poslovnih poduhvata.

Više informacija o programu dostupno je na web stranice www.impakt.ba i www.mi-bospo.org

Predmet ovog javnog poziva je prijava kandidata za učešće u programu razvoja poduzetništva kroz inkubator poslovnih ideja u programu „Mladi u biznisu“ na području Tuzlanskog kantona za 2026. godinu.

Finansijsku podršku programu „Mladi u biznisu“ pružaju Evropska unija, Luksemburg i Italija preko Centralnoevropske inicijative. U procesu evaluacije poslovnih ideja učestvovat će i predstavnici Ekonomskog fakulteta Univerziteta u Tuzli.

 Rok za prijavu: 07.09.2026.godine

Opis programa

Inkubator poslovnih ideja u sklopu programa „Mladi u biznisu“ predstavlja sveobuhvatan program podrške razvoju poslovnih ideja i realizuje se kroz sljedeće komponente:

1. Online preduzetnička obuka u trajanju od šest dana, u periodu do mjesec dana, fokusirana na razvoj poslovnog plana, te jačanje poduzetničkih kompetencija, uz kontinuiranu stručnu i mentorsku podršku.

2. Priprema prezentacije poslovnih ideja pred stručnom komisijom za validaciju poslovnih planova. U radu stručne komisije učestvovat će i predstavnici Ekonomskog fakulteta Univerziteta u Tuzli, čime će se osigurati dodatna stručna podrška i objektivnost u procesu evaluacije poslovnih ideja.

3. Za nagrađivanje najboljih poslovnih poduhvata, Mikrokreditna fondacija MI-BOSPO je osigurala ukupan nagradni fond u iznosu od 2.000 KM, koji će biti raspoređen na sljedeći način:

- I nagrada: 1.000 KM
- II nagrada: 600 KM
- III nagrada: 400 KM

4. Stručna i mentorska podrška u daljem rastu i razvoju poslovanja u skladu sa potrebama korisnika.

Podrška u svakom narednom ciklusu programa uslovljena je uspješnim završetkom prethodnog ciklusa. U slučaju neispunjavanja preuzetih obaveza ili neprofesionalnog ponašanja, organizatori programa preduzetničke obuke zadržavaju pravo isključenja učesnika iz daljeg procesa obuke.

Ko može aplicirati?

Pravo učešća imaju:

Mlade osobe od 18 do navršениh 35 godina starosti sa prebivalištem ili boravištem na području gradova i općina Tuzlanskog kantona, uključujući i zaposlene mlade osobe koje žele razviti poslovnu ideju i pokrenuti vlastiti biznis.

Mlade osobe od 18 do navršениh 35 godina starosti koje su vlasnici poslovnih subjekata registrovanih najduže 12 mjeseci prije objave ovog javnog poziva, sa sjedištem na području navedenih gradova i općina, a koje žele razvijati nove proizvode, usluge ili proširiti poslovanje.

Kriteriji prihvatljivosti:

Posjedovanje poslovne ideje za pokretanje ili unapređenje poslovnog poduhvata.

Posjedovanje osnovnih tehničkih i organizacionih znanja potrebnih za realizaciju poslovne ideje.

Najmanje završena srednja stručna sprema ili relevantno radno iskustvo.

Pripadnost jednoj ili više definisanih ciljnih grupa.

Ciljne grupe

Program je namijenjen:

Nezaposlenim mladim osobama od 18 do navršениh 35 godina starosti.

Zaposlenim mladim osobama od 18 do navršениh 35 godina starosti koje žele pokrenuti vlastiti biznis.

Mladim osobama od 18 do navršениh 35 godina starosti koje su vlasnici poslovnih subjekata registrovanih najduže 12 mjeseci prije objave ovog javnog poziva i žele unaprijediti postojeće poslovanje, razviti nove proizvode ili usluge ili proširiti poslovne aktivnosti.

Prihvatljivi oblici poslovanja:

U okviru programa obuke mogu učestvovati mlade osobe od 18 do navršениh 35 godina starosti koje imaju poslovne ideje ili posluju u okviru sljedećih oblika poslovanja:

- obrti i srodne djelatnosti,
- privredna društva;
- obavljanje obrtne dodatne djelatnosti.

Neprihvatljivi oblici poslovanja:

- primarna poljoprivredna proizvodnja, osim u slučajevima kada poslovna ideja uključuje preradu poljoprivrednih proizvoda i razvoj proizvoda s dodatnom vrijednošću,
- proizvodnja i promet oružja, municije i vojne opreme;
- proizvodnja i promet duhana i duhanskih proizvoda;
- igre na sreću i klađenje;
- djelatnosti suprotne važećim propisima Bosne i Hercegovine;
- djelatnosti sa značajnim negativnim uticajem na okoliš ili zdravlje ljudi.

Kriteriji za izbor učesnika:

Pored osnovnih uslova javnog poziva (dob, lokacija i drugi kriteriji), prilikom odabira kandidata uzimat će se u obzir kvalitet i održivost poslovne ideje, potencijal za razvoj poslovanja, motivacija kandidata, spremnost za registraciju poslovnog subjekta ukoliko nije registrovan, te interes i potreba za budućom podrškom u razvoju poslovanja.

Kako aplicirati?

Prijave se mogu podnijeti putem Google obrasca <https://forms.gle/DJB7pPE2thEqor1yZ>

Napomena: Poslovni poduhvati koji su već registrovani obavezni su prije početka preduzetničke obuke dostaviti rješenje o registraciji poslovnog subjekta.

Javni poziv je otvoren od 24.08.2026. godine do 07.09.2026. godine.

Krajnji rok za dostavljanje prijava je 07.09.2026. godine.

Dodatne informacije

Sve dodatne informacije mogu se dobiti putem:

Telefon: 033 207 812

E-mail: info@impakt.ba

Pozivamo sve zainteresirane mlade osobe sa područja Tuzlanskog kantona da iskoriste priliku za razvoj vlastite poslovne ideje, sticanje poduzetničkih vještina za pokretanje ili unapređenje poslovanja.